

卷廿至廿三

婦人門

小便出血 陰腫 陰痒 陰挺 下脫 陰瘡
交接輒血出痛

胎前一切病證 目列內篇

赤水玄珠全集

赤水玄珠婦人門第二十一卷目錄

小便出血

陰腫

陰痒

陰挺下脫

陰瘡

交接輒血出痛

胎前惡阻痰逆

胎動不安

胎漏下血

胎氣上逼

妊娠心腹痛

妊娠腰背痛

妊娠小腹痛

妊娠心腹脹滿

妊娠數墮胎

胎不長

墮胎血下不止

未足月欲產

過期不產

妊娠欬嗽

妊娠吐血衄血

丁煩

赤水玄珠婦人門第二十一卷

小便出血

新安生生子孫一奎著輯

良方曰心主於血通行經絡循環臟腑得寒則凝澁得熱則妄行失其常道則溢滲於脬則小便出血也

薛氏曰前症肝經血熱者加味道遙散怒氣血傷者同治調送血餘灰妙若肝經風熱用前散送子芩丸氣血俱虛者八珍散送血餘灰膏梁積熱者清胃散加槐花甘草風熱傷胃者四君子加防風枳殼胃虛不能攝血者補中益氣鬱結傷脾不能攝血者濟生歸脾湯

一婦小便出血服四物蒲黃之類更加發熱吐痰加芩連之類又飲食少思虛症蜂起肝脉弦而數脾脉弦而緩此因肝經風熱爲沉陰之劑脾傷不能統血發生諸臟而然也用補中益氣六味地黃丸而痊

蒲黃鹿茸散 治勞損尿血發熱內熱或寒熱往來口乾作渴 蒲黃炒鹿茸炙

當歸 生地 葵子炒續斷酒炒各等分 爲末每服二錢酒調日三服

髮灰散 起居所傷小便尿血或忍尿脬轉臍下急痛小便不通又治肺疽心轔內

崩吐血舌上出血俱妙本草云能療瘀血通關利水道破癥瘕癰腫狐疝刺痛疔瘡癰腫脬轉

通大小便止咳嗽鼻衄 右每服二錢米醋湯調下

生地黃散 血熱尿血 生地二錢 黃芩炒五錢 阿膠炒側柏葉炒各一錢 右水煎

食前服

當歸散 血分熱尿血 川歸 羚羊角屑 赤芍各五分 刺薊葉一錢 生地一錢

右水煎服

又方 治血分有熱生地黃搗汁每用一小盞日三服

又方 治血分熱尿血用炒蒲黃末每以二錢溫酒下

鹿角膠散 鹿角膠炒爲末二兩作二服長流水調妙

陰腫

良方曰陰腫因胞絡素虛風邪客之乘于陰部血氣相搏故也

薛氏曰氣血虛弱補中益氣湯肝經濕熱龍胆瀉肝湯又當與陰痒陰挺陰冷相參而治

又云一婦陰中腫悶小便澀滯兩脇作腫內熱晡熱月經不調時或寒熱此因肝經鬱怒元氣下陷濕熱壅滯朝用歸脾湯加柴胡升麻解鬱結補脾氣升元氣夕用加味逍遙散清肝火生肺血除濕熱各數劑諸症悉愈又用四君芎歸丹皮調補肝脾而經水如期

菖蒲散 治月水澀滯陰戶腫痛 菖蒲 當歸炒各一兩秦艽二兩 右每服五錢

入葱白水煎服

白礬散 治陰腫堅痛 白礬五錢 甘草五分 大黃一兩 右爲末水調如棗大綿

裹內陰中一日兩換以愈爲度

陰痒

良方曰陰痒爲三虫在腸胃之間因臟虛而蝕經則陰中痒甚則陰中痛也

生生子曰前症亦有虛者古人有用人參一兩煎湯服之而愈予曾治一宦婦年廿一疹出未彌月而犯房事熱因下陷陰中痒甚每一發神魂颺然兩手抓壁口中咬物鮮血淋漓爪脫肉破而不遑顧七日肌肉如削諸洗插方歷試無功作虫治尤劇欲懸梁求死予爲籌之乃虛熱陷入至陰當從陰引陽以黃芪六錢甘草二錢防風一錢柴胡二錢水煎食前服之其疾頓止此引金伐木之法也

薛氏曰前症屬肝經所化常用龍胆瀉肝湯逍遙散以主其內外以桃仁研膏和雄黃末或雞肝內陰中以制其虫

一婦胸膈不利內熱作渴飲食不甘肢體倦怠陰中悶痒小便赤澀此鬱怒傷肝脾所致用歸脾湯加山梔而愈復因怒患處并小腹脹痛用小柴胡加芎歸山梔芍藥痛止用山梔入逍遙散而痊又因勞役患處腫脹小便仍澀用補中益氣加山梔茯苓丹皮而瘳

一方 新桃葉搗綿裹內陰中一日三易

大黃散 治陰痒 大黃微炒 黃芩 黃芪各五兩 赤芍 玄參 蛇床子

山茱萸 爲末酒調服二錢

又方 杏仁燒灰乘熱綿裹納陰中一日二易之

又詩曰 玉戶生瘡時痛痒皆因房色損其元黃葱水洗二三次杏仁燒灰油調瘡加麝香尤妙

又方 鯽魚胆搽之妙

陰挺下脫

良方曰婦人陰挺下脫或因胞絡傷損或因子臟虛冷或因分娩用力所致

薛氏曰前症當升補元氣爲主若肝脾鬱結氣虛下陷用補中益氣湯若肝火濕熱

小便澀滯龍胆瀉肝湯

一婦陰中突出如菌四圍腫痛小便頻數內熱晡熱似瘰似痛小便重墜此肝脾鬱結蓋肝火濕熱而腫痛脾虛下陷而重墜也先以補中益氣加山梔茯苓車前子青皮以清脾火升脾氣更以加味歸脾湯調理脾鬱外以生豬脂和藜蘆末塗之而收

一婦陰中挺出五寸許悶痛重墜水出淋漓小便澀滯夕與龍胆瀉肝湯分利濕熱朝與補中益氣湯升補脾氣諸症漸愈再與歸脾湯加山梔茯苓川芎黃柏間服調理而愈後因勞役或怒氣下部濕痒小水不利仍用前藥即愈

一方 治陰挺下脫 當歸 黃芩各二兩 牡蠣二兩半 蟬皮一兩炙 赤芍兩半

右爲末每以二錢食前溫酒調下米飲亦可

治陰挺長出玉戶數寸者疼痛不可忍飲食不進用前方治其內仍以 大黃

山茨姑 石羔 牡蠣 乳香 爲細末水調搗熟捏作條子如中指大陰乾

插入玉戶其痛即止

陰瘡

薛氏曰此症乃七情鬱火傷損肝脾濕熱下流其外症陰中突出如蛇如菌如雞冠或生虫溫痒或潰爛出水或腫悶墜痛其內症體倦內熱經候不調或飲食無味哺熱發熱或胸脇不利小便痞脹或赤白帶下小水淋瀝其治法腫痛者四物加柴胡丹皮山梔胆草濕痒者歸脾湯加柴胡山梔丹皮淋瀝者龍胆瀉肝湯加白朮丹皮潰腐者逍遙散山梔川芎腫悶墜痛者補中益氣湯加山梔丹皮佐以外治之法

一婦素性急陰內痛小便赤濇怒而益甚或發熱或寒熱此肝經濕熱所致用芎歸炒梔柴胡芩朮丹皮澤瀉炒芍車前炒連甘草數劑漸愈乃去黃連澤瀉又數劑全愈

一婦臍腹上下并玉戶遍生濕瘡狀如馬爪瘡他處並無熱痒而痛大小便濇出黃汁食減身面微腫衆作惡瘡治反劇愈痛急令洗去乃用馬齒莧四兩青黛一兩同搗爛敷瘡上即時痒止痛定而熱亦退仍服八政散日三服分散客熱每敷藥僅得一時久藥已乾燥再塗新濕藥又安凡如此二日僅減三之一五日減三之二自此二十日全安緣此婦嗜酒貪啗魚蟹發風之物而中下焦蓄風熱之毒氣當作腸癰內痔等疾后當禁酒及發毒之物

一方治玉戶生瘡杏仁燒存性雄黃明礬各五錢麝香一錢二分右爲末敷之

又方飛丹研極細生桐油調搽二三日効
交接輒血出痛

薛氏曰一婦每交接便血出作痛此肝火動脾而不能攝血用補中益氣濟生歸脾二湯而愈若出血過多而見他症但用前藥調補肝脾

千金方 療交接血出 伏龍肝 桂心等分 爲末每服一錢酒調下

胎前惡阻及痰逆不食

惡阻者謂嘔吐惡心頭眩惡食擇食是也脉息和順但覺肢體沉重頭目昏眩好食鹹酸甚者或作寒熱心中憤悶嘔吐痰水不能支持古謂之子病由胃氣怯弱中脘停痰之所致也

薛氏曰脾胃虛弱嘔吐不食用茯苓半夏湯蓋半夏乃健脾化痰滯之主藥也痰涎壅滯飲食少思胎氣不安爲必用之藥須倍加白朮然半夏白朮陳皮砂仁善能安胎氣健脾胃也予嘗用之驗甚若兼氣惱更加柴胡因風寒須用參蘇飲生生子曰前症亦有因火者故丹溪用抑青丸前人亦有用濟生竹茹湯者予歷歷見爲火症者多寒者間而有之亦有愈治而愈逆者便當勿藥待之俟胃氣利當自瘳矣

茯苓半夏湯 妊娠脾胃虛弱飲食不化嘔吐不止 半夏炮炒黃 陳皮各一錢

白茯苓二錢 砂仁炒一錢 炙甘草五分 姜棗烏梅水煎服二帖后用茯苓丸

茯苓丸 妊娠煩悶頭暈聞食吐逆或胸腹痞悶 赤茯苓 人參 桂心 炮姜

半夏炮炒黃 橘紅各一兩 白朮炒葛根 甘草炙 枳殼炒各二兩 右蜜丸梧

子大每服五十丸米飲下日三服

白朮湯 胃虛惡阻吐水甚至十餘日粥湯不入 白朮炒一錢 人參五分 丁香

炙甘草各二分 右姜水煎服

保生湯 妊娠惡阻少食嘔吐或兼吐瀉作渴 人參一錢 炙甘草 白朮炒 香附

烏梅 橘紅各五分 右姜水煎服

仲景乾姜人參半夏丸 治妊娠嘔吐不止 乾姜 人參 半夏等分 爲末姜

汁糊丸梧子大米飲下十日三服

歸原散 惡阻嘔吐不止頭痛全不入食諸藥無效 人參 甘草 川芎 當歸

芍藥 丁香各五錢 茯苓 白朮 陳皮各一兩半 桔梗炒 枳殼炒各二兩半

半夏炮炒黃一兩 右每服五錢加姜六片棗一枚水煎服 已上五方治寒痰

惡阻之劑也

竹茹湯 惡阻嘔吐不下食 青竹茹 橘紅各二兩 生姜 茯苓各四兩 半夏五兩

右水六升煮取二升半分三服

人參橘皮湯 惡阻嘔吐痰水 人參 橘皮 白朮 麥冬各一兩 甘草二錢

厚朴製白茯苓各五錢 右每服五錢加青竹茹一錢生姜三片水煎服

妊娠嘔吐痰水不食 生薑根一兩 橘紅七錢 生姜一兩 檳榔三錢 右作三次水

煎服

妊娠惡食心中煩憤熱悶嘔吐 竹茹 麥冬各二兩 前胡二兩 橘紅一兩 薑根一握

水一大升煮半升作二次食前服 已上四方治熱痰惡阻之劑也

羅太無半夏茯苓湯 惡阻心中憤悶頭目眩暈四肢怠倦百節煩痛胸膈痰逆嘔吐惡心嫌聞食氣好噉酸醎多臥少起全不進食先服此湯次服前茯苓丸

半夏炮炒黃一兩二錢 赤茯苓

熟地黃各七錢半 芍藥

橘紅 旋覆花千金方

無此而有細辛紫蘇人參各半兩

川芎

桔梗

甘草各五錢

右每服五錢姜七

片水煎空心服

若有潮熱煩渴口瘡去橘紅細辛加前胡知母七錢半

若

腹冷下利去地黃加炒桂心五錢

若胃中虛熱大便秘小便赤澀加大黃

七錢半

去地黃加黃芩二錢半

胎動不安

妊娠胎動或飲食起居不節或衝任經虛或因過酒房室擊觸跌撲損動臟腑或脾氣虛弱誤服藥餌或感冒風寒當各推其因而施治之有因母病而胎動者但治其母而胎自安有胎不堅固動及母疾但安其胎而母自愈面赤舌青其胎已死面青舌赤吐沫其母必死唇口色青兩邊沫出子母俱死也

薛氏曰前証胎氣鬱滯者紫蘇飲脾氣虛弱者六君子湯加紫蘇枳殼鬱結傷脾者歸脾湯加柴梔鬱怒傷肝脾者四七湯加芎歸怒動肝火者加味小柴胡湯若胎已死急用平胃散加朴硝腐化之

丹溪曰產前當清熱養血因火動胎逆上喘急者以條芩香附之類爲末調下墮胎乃氣虛血虛血熱所致懷妊嗜物乃一臟之虛黃芩安胎妙藥乃上中二焦之劑能降火下行加白朮爲安胎聖藥也俗不知以爲寒而不取用殊不知產前宜清

熱令血循經而不妄行故能養胎

又曰將臨月胎熱以三補丸加炒香附白芍鉅餅爲丸服抑熱以三補丸以地黃膏爲丸 孕至八九個月必用順氣須枳殼紫蘇梗

固胎方法 川芎 地黃 黃芩各五分 歸身 人參 白芍 陳皮各一錢

白朮一錢半 甘草三分 黃栢 黃連俱少許 桑寄生一錢 右每服五六錢加

糯米五十粒水煎服 血虛不安者加阿膠腹痛者加砂仁能止痛安胎行

氣故也 一方加黃連名固孕丸

仲景云妊娠宜常服當歸散 當歸 黃芩 芍藥 芎藭各一兩 白朮半斤

右爲末酒調服方寸匕日二服常服之即易產胎無苦疾產後百病悉主之

肘後方 治胎動不安 取葶根如足大指者一尺水煎服一方有生薑五片○丹溪云葶

根大能補陰血而行滯血

立效散 治胎動不安如重物所墜冷如冰即佛手散也

縮砂散 治胎動不安墮在須臾痛不可忍神效 砂仁連壳炒黑爲末 每服二錢

酒下

鉤藤湯 妊娠胎動腹痛面青冷汗氣欲絕者 鉤藤鉤 當歸 茯神去皮

人參各一錢 苦梗一錢半 桑寄生一錢 右水煎服煩熱者加石膏

黃芪湯 氣虛胎動腹痛下水 糯米一合 炙黃芪 川芎各一兩 水煎分三服

順氣飲子 產前服之安胎 紫蘇葉 木香煨人參 草薢 茯苓各一兩

炙甘草一錢 大腹子一兩氣虛者去之

右每服三五錢加苧根三寸糯米二十

粒水煎服

安胎寄生湯 妊娠下血或胎不安或腰腹痛 桑寄生 白朮各五分 茯苓四分

甘草一錢 水煎服

安胎飲 體倦惡食或胎動腹痛或下血發熱腰痛 炙甘草 茯苓 川歸

熟地 川芎 白朮 黃芪 白芍炒半夏泡 阿膠炒地榆各五分 加姜棗

水煎服

又方 好銀煮取水入葱白作羹食之妙

生生子曰按良方云妊娠婦人倘氣血虛弱無以滋養其胎終不能成也宜下之以免其禍若胃氣壯實衝任榮和如魚之處淵得其所也宜必盡方技以補養之庶無所悞設因病而胎不能安者不得不下之藥劑亦須謹慎

桂心散 妊娠因病而胎不能安者以此下之 桂心 瓜蒌 牛膝 瞿麥各五分

歸尾一錢 右水煎服

又方 牛膝一兩 酒煎食前空心服下

又方 生雞子一枚鹽三錢攪勻服之立下

佛手散更妙 凡胎死者即下生者即安

胎漏下血附卒然下血下如豈汁

良方曰妊娠經水時下由衝任氣虛不能約制蓋心小腸二經相爲表裏上爲乳汁

下爲月水故妊娠經水壅之以養胎蓄之以爲乳若經水時下名曰胞漏血盡則斃矣

丹溪曰胎漏有因氣虛者有因血虛者有因血熱者不可不察也

薛氏曰前症有風熱者以防風黃芩丸若因血熱加味逍遙散血虛二黃散血去太多八珍湯未應補中益氣湯若因肝火用柴胡山梔散脾虛加味歸脾湯若因事下血作痛八珍湯加阿膠熟艾脾胃虛者補中益氣湯加五味子下陷者倍升麻柴胡哺熱內熱用逍遙散亦有血氣盛養胎之外而有餘者不必服藥

卒然下血良方謂冷熱不調七情失宜氣血不和所致若傷於胎則痛血去多則墮矣薛氏云前症氣怒者小柴胡湯風熱用一味防風丸血熱用一味子芩丸脾氣虛六君子湯中氣下陷補中益氣湯

一婦妊娠六月每怒下血甚至寒熱頭痛脇脹腹痛作嘔少食予謂寒熱頭痛乃肝火上冲脇脹腹痛乃肝氣不行作嘔食少乃肝侮脾胃下血乃肝火血熱用小柴胡加芍藥炒黑山梔茯苓白朮而愈訶子能止胎漏及胎動欲主脹悶氣喘

安胎散 治卒然腰痛下血 熟地 艾葉 白芍炒 川芎 黃芩炒 川歸 阿膠炒 甘草炙 地榆各五分 加姜棗水煎服

子芩丸 治肝經有熱妄行用細條芩沉實者炒爲末每服一錢以鐵秤鎚燒赤淬酒熱調服若脾胃虛者不宜用

防風丸 治肝經有風血因妄動而不歸經 防風爲末每服一錢白湯調下

防風黃芩丸

治肝經有風熱致血崩便血尿血用條芩炒焦防風等分爲末酒糊

丸梧子大每服三五丸食前米飲或酒下

二黃散

治胎漏下血或內熱晡熱或頭痛頭暈煩燥作渴或脇肋脹痛等症

生地 熟地

爲末每用三錢煎白朮枳殼湯調服二黃梓膏爲丸尤妙庶不枯槁而

有力也

芎歸膠艾湯

妊娠下血腹中痛爲胞阻以此安之 艾葉 阿膠炒川芎

當歸各三兩

甘草一兩

右細切以水八升煎取三升內膠溶盡分三服

立聖散

治妊娠下血不止

雞肝三枚用酒一升煮熟頓食之大效

阿膠散

妊娠無故下血不止

阿膠三兩炒爲末酒一升半煎令溶一服愈

又方

治血熱下血及胎漏下血不止

阿膠二兩爲末

生地黃半斤搗取汁

以清酒三升絞汁分三服

又方

治胎漏下血不止胞乾即死宜急治之

生地黃汁一升

陳酒五合

同煎三

五沸溫三服以止爲度

枳殼湯

治虛熱胎漏下血或因事下血

枳殼

黃芩各半兩

白朮一兩

水煎食

前分三服

本事方

治胎下血不止

桃奴桃樹上乾不落桃子是也

燒存性爲末水調服妙

妊娠胎漏下黃汁或如豇汁白漿或如赤豇汁予歷見此症不早治其胎必墮

大全力

治妊娠忽然下黃汁如膠或如豇汁胎動腹痛乃氣虛也

糯米五升

黃芪六兩 水七升煎取二升分四服

薛氏云若肝脾濕熱用升陽除濕湯肝脾風熱加味逍遙散肝脾鬱怒加味歸脾湯脾胃氣虛用錢氏白朮散若脾氣下陷補中益氣湯風入腸胃用胃風湯

東垣升陽除濕湯 治婦人女子漏下惡血月事不調或暴崩不止多下水漿之物

皆由飲食失節或勞傷形體或素患心氣不足因飲食勞倦致令心火乘脾其脉緩而弦急按之洪大皆脾上受邪也 柴胡 羌活 蒼朮 黃耆炒各錢半

防風 升麻 甘草炙 藁本各一錢 蔓荊子七分 獨活 當歸各五分 右水煎

食前服

胃風湯 治風邪乘虛客於腸胃水谷不化泄瀉下注腹脹虛滿腸鳴作痛及腸胃

虛熱下如豈汁或瘀血日夜無度 人參 白朮 茯苓 川芎 川歸 白芍

桂皮 粟米 右水煎食遠服

銀苧酒 治妊娠下黃汁或如赤豈汁 苧根去黑皮 好銀各一斤 水九升煮取

四升每服入酒半升煎分二服

脉經曰婦人懷軀六月七月暴下斗餘水其胎必倚而墮此非時孤漿預下也胎漏

下水乃徐徐而下今暴下而多故知胎墮

胎上逼子懸也

妊娠將養如法則血氣調和胎得其所而產亦易否則胎動氣逆上逼臨產亦難甚

至危矣

陳良甫云治一婦人有孕七個月遠歸然然胎上冲心而痛坐臥不安兩醫治之無效遂說胎已死矣用草麻子研爛加射香貼臍中以下之命在垂亡召陳診視兩尺脉絕他脉平和陳問二醫作何症治答曰死胎也陳曰何以知之曰兩尺脉絕是以知之陳曰否此子懸也若是胎死却有辯處面赤舌青子死母活面青舌赤吐沫母死子活唇口俱青母子俱死今面不赤舌不青其子未死是胎上逼心宜以紫蘇飲治之至十服其胎遂不逼而下安矣

紫蘇飲 治妊娠胎氣不和逼上脹滿疼痛謂之子懸 兼治臨產驚恐氣結連日不

下 紫蘇葉一兩 大腹皮 人參 川芎 陳皮 白芍各五錢 當歸三錢

甘草一錢 右剉分三服每服加姜四片葱白七寸水煎至七分空心服 會

有累日產不下遍服催生藥不效此必坐草少早心存一點畏懼氣結而不行非不順也素問云恐則氣下蓋恐則精神怯怯則上焦閉閉則氣還還則下焦脹氣乃不行得此藥一服便產及治妊娠六七月子懸每用此數數有驗不十服胎便近下而安

大千方 治胎上逼煩悶併治胎動困篤 葱白二七莖濃煮汁飲之若胎未死則

安已死即下如未效再服 若唇口青黑手足厥冷須佐以當歸湯 本草

云葱白通陽氣安胎此方神妙脉浮滑者宜之

當歸湯 治胎動煩燥或生理不順唇口青黑手足厥冷 人參 當歸 阿膠炒

炙甘草各一錢 葱根連白一握 右水四碗煎四味減半去渣入葱再煎至一碗